

# INUIT ATAQATIGIIT

## Inatsisartuni



08.10.2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### Naalackersuisunut apeqquq:

1. Nukissiuuteqarnermut imermillu pilersuisumik immikkoortumut pilersaarummi eqqaaneqarpoq Maniitsup aamma Nuup akornanni erngup nukinganik nukissiornissamut piukkunnaatit annertummata taakkuninga atuinissaq pillugu, sumiiffimmi innuttaasunik pilersuineramik ataqatigiissillugu suliffeqarfinnik suleqateqarnissaq periarfissatsialaasoq. Taassumalu saniatigut illoqarfiup qanittuani erngup nukinganik nukissiornissamik piukkunnaatilinnit mikinerusunit marlunnit Maniitsumut erngup nukinganik nukissiuuteqarnermik pilersuisoqarsinnaanersoq aamma misissorneqartutut allaqqalluni. Misissuineq sumut killippa?
2. Maniitsup eqqaani erngup nukinganik innaallagissiorsinnaaneq imminut akilersinnaassussa uuttorneqarsimava?
3. Maniitsup eqqaani erngup nukinganik innaallagissiorsinnaaneq imminut akilersinnaassappat qaqugu suliniut aallartissinnaalissava?

(Inatsisartuni ilaasortaq Mimi Karlsen, Inuit Ataqatigiit)

### Tunggavilersuut:

Ukiut arlaqartut Alcoa Maniitsumi aluminiumut aatsitsiviliorinissaa utaqqimaarneqarsimavoq erngup nukinganik innaallagissiorfiliornissamut.

Maanna paasinarsivoq Alcoa aatsitsiviliorinangitsoq. Taamaammat Maniitsormiuusugut naalaalerparput qaqugu erngup nukinganik innaallagissiorfittaarsinnaanerluta.

Naalackersuisut anguniagaraat "*periarfissaqarfiani sumi tamarmi nukissiuuteqarneq nukissiuuteqarneq minguitsoq*". Tamanna annertusineqarsinnaavoq aamma Maniitsumi erngup nukinga atorlugu innaallagissioraanni.

Taamaammat Maniitsumi erngup nukinganik innaallagissiorinissaq pisariaqalerpoq.

Kissaatigaara apeqquqit ullut qulit qaangiutsinnagit akineqarnissaat.